



## **Universitätsbibliothek Paderborn**

**Cavtio Criminalis, Seu De Processibvs Contra Sagas Liber**

**Spee, Friedrich von**

**Francofurti, 1632**

50. An Iudex alterutram sententiam secure amplecti possit, seu illorum quae contemnit, seu aliorum quae magnifacit denunciationes.

**urn:nbn:de:hbz:466:1-11133**

## D V B I V M L.

*An Iudex alterutram sententiam secure amplecti possit seu nostram quæ contemnit, seu aliorum quæ magnificat denunciations?*

**R**ESPONDEO, Non potest secure amplecti sententiam aduersariorum. Rationes istæ sunt:

**RATIO I.** Tutior via in dubiis eligenda est. Quæ regula et si in cæteris consilij rationem habet, tum tamen præcepti vim obtinet, cum periculum est, ne alioqui proximo fiat iniuria, ut docent Casistæ, & supra quoque dixi Dub. 8. sub finem.

**RATIO II.** Ostendi bonis argumentis aduersariorum sententiam solide non subsistere: vel igitur Iudex melius eam fundet, aliis adductis argumentis, & nostra refutet, vel tenebitur nos sequi.

**RATIO III.** Iura volunt ut in dubiis reo potius quam actori faueatur iuxta reg. II. iur. in 6.

RA-

RATIO IV. Iudex sequi debet secundum interpretationem iuxta cap. ad audientiam, & c. significasti 2. de Homicidio.

DICES I. At clamat Binsfeldius Remp. hoc modo purgatum noniri.

RESP. Id frustra clamat, facile enim ex hactenus dictis colliges, si denunciationibus tantum deferatur, contrarium futurum, & potius triticum quam zizania periclitatum: Nam hoc scilicet purgare Rempub. est ita periculosis viis ad exscindendos nocentes incedere, ut vix innocentissimus quisque iam tutus sit?

Clamant Inquisitores omnes, magiae crimen occultissimum esse; Obscurum autem quomodo occultissimum est, si tam facile deprehenditur, ut nullum iam sit in orbe crimen cuius tot rei in lucem protracti sint, & indies protrahantur, ut isti putant?

DICES II. Sententia quidem haec mitior est respectu nominati, sed altera utilior respectu Reipublicæ & boni publici: Siquidem ita iudicia promo-

mouentur & facilitatur via executio-  
nis. Sic Professor Rinthelensis D.  
Göehausius supra citatus in libro de  
Processibus contra Sagas , pagina 151.  
Sed

RESP. In primis sententia hæc nostra  
& mitior & utilior est, tum respectu no-  
minati , tum nominantis , tum Reipu-  
blicæ. Nam nominatum è discrimine  
eripit , nominantis malitiæ & nocendi  
studio occurrit , Reipublicæ vastatio-  
nem impedit,dum paucos nocentes to-  
lerat , ne plurimos innocentes pereun-  
di periculo exponat. Deinde ratio in  
objectione allata pro altera sententia ,  
quia sic promoueantur iudicia,&c. non  
probat utiliorem eam Reipubl. esse, sed  
è contrario damnosam. Nam promo-  
ueri iudicia , & facilitari executiones  
tam gr̄ues ex indiciis leuissimis , id est,  
testimoniis fallacissimis, innixis veraci-  
tati mendacium Sagarum,tam noxium  
Reipubl.est, quam illa grauia sunt ma-  
la , quæ ex temere tractatis his causis  
possunt consequi, ac dixi supra Dub.8.  
rat.3.

Di-

DICES III. Iudex nocet bonis quif-  
quis pepercit malis. Crudeles illi qui  
vt vni parcant, multos necari permit-  
tunt, &c. sic idem Rinthelensis pag. 153.  
Sed

RESP. Ita est, sed ad rem non spectat:  
Nam in primis, qui non nisi ex fallaci-  
simis denunciationibus malorum vult  
malos nosse, is potius parcet malis, ex-  
scindet bonos, ac sic dupliciter noce-  
bit bonis. Deinde crudeles sunt, qui  
vt vnum périment malum, non curant  
si & simul plures bonos. Denique non  
vnum est cui parcetur, cum denunciatis  
parcetur; nam parcetur multis, & par-  
cetur merito; quippe adhuc nondum  
sat suspectis quod nocentes sint. Si tu  
autem nocentes & malos ponis, qui-  
bus parcere non debeat, iam id ipsum po-  
nis, quod an poni debeat in quæstione  
est. Id enim est quod quærebamus, an  
nocens & malus haberi debeat, quem  
mendax fœmina nocentem & malum  
dicit. Binsfeldius igitur cum pag. 292.  
vehementius Magistratum increpat;  
& iustitiam vrget, nec aliam tamen.

Ff

Viam

434 Dub. LI. Quæ sit summa processuum  
viam procedendi esse ait, nisi per has  
Satanicas denunciations, parum dis-  
crete zelat.

D U B I V M L I.

*Quæ breuis sit summa & methodus proce-  
ssuum contra Sagas hodie apud multos in u-  
su, digna quam Diuus Cæsar intelli-  
gat, & Germania consi-  
deret?*

**R**ESPONDEO, Poterat hanc sum-  
mam lector quiuis ex tractatu hoc  
ipse apud se colligere: sed quod mihi  
id fuit factu facilius, eam hic apponam,  
omissis tamen multis quæ commode  
inseri non poterant: de quibus consu-  
lantur haec tenus dicta, vti & de his quæ  
hic posita sunt, si diductius lubet sin-  
gula cognoscere. Itaque summa hæc  
est:

i. Incredibilis vulgi apud Germa-  
nos, & maxime (quod pudet dicere)  
Catholicos superstition, inuidia, calu-  
mniæ, detractiones, susurrations &  
similia, quæ nec Magistratus punit,  
nec